

歷代 日記叢鈔

The background of the cover features a faint, sepia-toned illustration of a traditional Chinese study desk. In the center, an open diary or ledger is propped up, showing two pages with handwritten text. To the left of the diary, a dark cylindrical container holds several brushes. A single brush lies on the desk surface in front of the diary. To the right, a small, open box or case is visible. The entire scene is set against a textured, light brown background.

學苑出版社

歷代日記叢鈔

第三三冊

中國人民大學圖書館藏

臺灣日記

灣之變因械閉結念而起自

至今凡十閱月矣

公奉

來閩副之者

海

鄂

舒

普四公帶巴

圖魯及各省將官約千員四川屯練兵貴州湖

廣廣東廣西浙江及駐防旗兵數萬人至閩咨

于徐中丞採本省人而余得謁

公于泉州以數事進頗蒙嘉納
奏請隨營勸事

公在廈門與制府籌兵餉脩軍裝無不周至
復以余之薦遣舉人郭廷機先賫告示赴台郡
招撫遣楊振文等往鹿港招義民札淡水同知
招義民

國家兵威厚集原無藉義民之力然以台人攻臺
匪亦有不可少之處故

公預籌之復令余招同安義民鄭一桂招漳州義民收無賴之徒而不使為匪

公則更有深意存焉用廢員招襍流

此二事少

延紳士

此事多片善無不錄微瑕皆不棄軍營

中悉皆踴躍奮興

公之用人則神矣尤妙者投誠賊夥或用以間或用以招或用以擒無不思圖報効台地賊匪一面攻克即一面招安最得機宜此平台第一

關鍵也用頂帶以勵義民用黃布旗以招良民
用戶口票以安難民已省兵力多矣然各省官
兵無不奮勉將亦用命皆

公之善將將善用兵也四川屯練兵有敢死之
氣尤長于鎗法善于扒山善于伏草為古所無
賊呼之為野人蓋畏憚之極也貴州兵慣習山
戰餘皆勇健各有所長非兵之能用之者得也
自出兵至凱旋未聞有兵將縮退之事海公

帶巴圖魯尤善馬軍鎗無不中箭無虛發賊望風而怯避

公運籌帷幄每夜必至五鼓其處事也慎其待人也和其行兵也速一切無不博採廣諮而又無遲疑不決權柄旁移之意是以為神


公精于行陣而有法台地田洋寬濶左右竹圍村庄多有隔數里者兩面亦多係甘樨園前次賊匪多伏于樨園竹圍之內官兵輒受其困

公則分兵兩隊命巴圖魯帶勇敢鳥鎗手于兩旁倚竹圍樅園而進遇有風動可疑之處即開鎗賊無敢近中間又分三隊或五隊皆排列行伍以次而行其中間稍有隔斷或離十餘步或離二三十步不必盡為魚貫又前後分作數陣每三五里要害之處安兵二三千前陣進則後陣亦進其進也皆如上所云左右分隊之法使前後左右首尾皆可照應賊無敢近者若以我

攻賊攻左則以中間之近左者合之其在右者則不必動攻右亦然隊伍疎密有法步伐緩急皆齊是以初次行陣一開賊已望而喪胆無敢敵者

安營之法倚山背水皆審地勢所宜帳房方向位次前後左右之間亦皆有法此劄住營盤也其攻取之際方行之時有未用帳房而隨地安營者其法尤神其式如磨盤樣畧圖于後

自北至南
約數里東
西亦然



右圖以十數人或二十餘人為一隊疎密布置
中間皆有隔斷每一空約一二十步自中央草
藁至外迹有數十層每一層約三四十步其內
層有空者外層補密層層皆然每隊皆令燃柴
舉火不斷其傳呼支更不用敲梆則以發咲唱
歌為號每內層發咲一聲周圍一轉傳至外層
漸至最外一層其聲漸遠四面山邊皆號應之
聲從外層至內層亦然唱則內唱外和外唱內

和其節奏漫長聲音溜亮四川屯練兵為最得
登高而望則火堆數萬歌哭之聲喧天只數千
兵便有數十萬兵之勢其法甚妙

崇武登舟計一百二十餘號二十九日開舟三
十日到二日夜同抵鹿港海道之速為從來所
無

時議進兵或謂先南或謂先北或謂鹿港淡水
兩路並進或謂府城淡水鹿港三路夾攻總之

大兵由廈門而進郡城無有易其說者
公則恭承

聖主親授機宜集師由鹿港而進既易于援諸羅又
便于通淡水此舉最為警捷而收功亦速為人
所萬不及維時咨常將軍把守郡地南路
官兵義民均俟北路兵至會合蓋常將軍能
守不能戰而北路可以一舉成功
公固已料之早也

以前俱係總記此後則按日按地記之矣
十一月初一日登鹿港點義民札各路兵糧軍
裝畢

初四日

公命海公往彰化縣東北城外八卦山探望
賊勢八卦山距鹿港二十餘里向來賊所聚處
也海公只帶五人徑至八卦山望頭層賊藪
人尚不多飛馬徑至山下箭射死三人活擒二

人以歸賊以為自天降

初五日海公又以兵五十人往割首級數顆
賊退二十餘里時議皆以從八卦山攻大里杙
矣

公以諸羅圍久將士人民皆垂斃在旦夕不可
不急援遂決計由元長庄進援諸羅而人未之
知也于時命領隊舒公督鹿港義民六千往
攻大甲與淡水通約期會攻大里杙此亦要着

也

初六日大兵由鹿港進發元長是夜劊營大突
店大突過五里溪即東西螺為賊藪

公布將士分佈營伍有法而賊莫敢前

初七日抵元長安營凡安營皆置數處營盤每
于要害之地或近水或近山各有劊營令前後
四面可以接應賊從無敢來窺者
初八日由元長發兵至埤林仔高阜之處四面

屯兵看視賊勢此地距元長二十里距諸羅五十里是日初意不過採路而已及至埤林仔公視賊庄可攻命義民帶路各省將弁帶兵數千分路前進攻燒崙仔頂崙仔尾兩庄隨又破西勢潭本廳打猫保等處共十五庄公命海公前往督師海公帶巴圖魯數十員屯練兵五百人前至牛稠溪賊有二萬餘人公又策各路兵接應海公視賊衆作一處橫